

San Pablo Tesalónica Vu'ejoopo pa'inare jo'e chu'o tocha saosi'ea'me

Chu'o saosi'ea'me

¹ Chu'u, Pablo, Silvanona'me Timoteo ija'ova utija'ova tocha saome musanukonare Tesalónica vu'ejoopo pa'inare Jesuni cuasaju ũcuate'eujakuanupu pa'iju, mai Ja'ku Diona'me Maire Paaku Jesucristo'te ja'me pa'inare. ² Mai Ja'ku Diona'me Maire Paaku Jesucristoji musanukona rekoñoña re'oja'che pa'iche'te cho'okaijuna re'oja'che pa'ijũ'u.

*Cristo jo'e rairumu*na Dios pãi cu'ache pa'inare ro'iche chũ'ujamũ repaña cu'ache cho'osi'e ro'i

³ Chukuna majapãijana, musanukona re'oja'che pa'iche'te cuasaju Dioni si'arumu, "Re'orepamu, Ja'ku", chiiche pa'imũ chukuna'te. Jã'aja'ñe cho'oto re'omu, musanukonapi si'arumu Repañi na'a rua masi cuasaju chekunani na'a rua oiju re'oja'che cho'okaiju pa'ijuna. ⁴ Jã'ajekuna chukuna musanukona Jesure masi cuasaju pa'iche'te chekuchejña pa'inani Jesucristo'te cuasakanupũãre pojoju kũame. Musanukonapi rua cu'ache ti'jñecojñonata'ni Repañi ũcua cuasaju re'oja'che pa'iju ñojuna kũame chukuna. ⁵ Jã'aja'ñe masi cuasaju ie masime mai: Pãi pa'iche cuasa ña ũcuarepa chũ'ukumu Dios. Jã'ajekuna musanukonare Repañi chiiche'te cho'ojũ cu'ache cho'ocojñonare, "Re'onaa'me ina", chiiũ ũcuau pa'ichejana saja'mũ Repañi.

⁶ Dios ũcuarepa chũ'ukujekũ maire cu'ache cho'ojũ pa'inare repaña cu'ache cho'osi'e ro'ia'ju chini sãiñe chũ'ujamũ. ⁷ Reparumu Maire Paaku Jesús jo'e

rairu Diopi cho'okakuna mai cu'ache cho'ocojñoñeji si'asona pani vajusojanaa'me mai. Jesús Repa neena ángeles ru masinana'me raiju toana'me miañe ñoñe rajanaa'me. ⁸ Rani Dioni cuasacuheju Repa Jesús pa'iche kuachu'ore jachaju pa'inare vati toana saoja'm Repa, repa jachasi'e ro'i. ⁹ Vati toa Dios Peore Masiuji Re'oku peochejajeku re'oja'cheje'e peochejare ai saocojñosina si'arumu uuju pa'ijanaa'me. ¹⁰ Repa jo'e raiumucuse Jesús, Repa'te cuasanani Repa neenani pojocojñora chini re'oja'che ño raija'm. Musanukona ũcuachi'a chukuna chu'vachu'o asa chëa cuasanajeju Repa'te ja'me pojोजना'me reparumu.

¹¹ Jã'ajekuna musanukonare mai Cuasaku'te Diore si'arumu sëekaiju pa'inaa'me chukuna, musanukonani Repa chëa paanani ña, "Re'onaa'me ina", chiiju re'oja'chere ñsia'ku chini. ũcuachi'a Repa masicheji cho'okaiuna musanukona re'oja'che cho'oñu chiiche'te peore cho'oju paapu chini sëekainaa'me chukuna. ũcuachi'a Jesuni cuasaju re'oja'che cho'omasia'ju chini sëekainaa'me chukuna. ¹² Musanukonapi jã'aja'ñe re'oja'che pa'ito Jesús Maire Paaku jainukore pãi pojocojñoja'm. ũcuachi'a Repaji mai Cuasakuji Diopi Maire Paaku Jesucristona'me oiju cho'okaiuna musanukonapi ru re'oja'che cho'o ñojuna pojoja'm Repa musanukonare.

2

Maire Paaku jo'e raijachere kamu

¹⁻² Chukuna majapãijana, chura Maire Paaku Jesucristo jo'e rani maina'me pa'ijachere kamu chu'u. Jã'ajekuna musanukonare pãipi tiiñe che'choju, "Maire Paaku jo'e ranicuhasi'kua'm", chiito kukuma'ñe

jachajũ'u repanare, chiimũ chu'u. Chekurũmũ repana Dios chu'o kũanaja'ñe i'kajũ jā'apāani chu'ore ra kũajũ jā'apāani utija'ovana chu'o tocha sao, “Pablo tochasi'ea'me ie”, chiijũ jorejanaa'me repana. ³ Pāi mũsanũkonare jā'aja'ñe jorejũ i'kache jmamakarũjẽ'e asamanejũ'u. Jesucristo jo'e rairũmũ ija'che pa'ija'mũ: Pāi jainũko Dioni jachajũ cu'ache cho'ojũ pa'irũmũna pāi chũ'ũku te'eũ Cristo'te rũa cuhekuji charo raija'mũ, cu'acheja ai saocojñojũ. Repaũ raisirũmũna Jesucristo na'a cho'jepi jo'e raija'mũ. ⁴ Repaũ charo raijũ Diore rũa cuhekujekũ, repaũchi'a pojocojñora chini Diore cuasanare ũcuanũkore cuasaũsekũ cavakũ pāi ñajũ'te Dios vũ'e ujavũ'ena kaka pũũ, “Diorepaũ'mũ chu'u”, chiija'mũ.

⁵ Chu'u mũsanũkonare ja'me pa'irũmũ ũcuare kũasi'kũa'mũ. Jā'a cuasama'ñe mũsanũkona? ⁶ Repaũ Cristo'te cuheku Diopi ũsekũna chuta'a raima'mũ. Repaũ Dios ũsemarũmũna raija'mũ Cristo'te cuheku. Chura jā'a masime mũsanũkona. ⁷ Vati ai irũmũ rope'e chũ'ũku pa'imũ pāipi Dios chiiche'te cuheju cho'omaneajũ chini. Jā'ata'ni Diopi ũsekũna repaũ cho'ora chiiche peore cho'ocu'amũ. Dios Repaũ'te ũseũamarũmũjatũ'ka vati cho'oche ũsekũ pa'ija'mũ. ⁸ Dios ũsemarũmũpi vũa pāiũ vati ai neekujekũ Cristo'te cuhekuji rũa si'ache cho'o ñoja'mũ. Jā'ata'ni Maire Paakũ Jesús re'oja'che ñoũ rani repaũ cho'oche'te ũsekũ i'kachechi'api vanisoja'mũ repaũ'te. ⁹ Repaũ Maire Paakũ chuta'a raimarũmũ repaũ cu'ache pa'ikũ rani vati aipi cho'okaiũna rũa masakũ Jesús saocojñosina cho'ocheja'che pāijẽ'e cho'ovesũche'te si'ache jorekũ cho'oja'mũ. ¹⁰ ũcuachi'a pāi vati toa saina repaũ jorekũ si'ache cu'ache cho'oche cuasajanaa'me,

ũcuauñi chini. Dios chu'o ũcuarepare asacuheju Jesure jovomanesinajeju vati toana sani cho'osojanaa'me repana. ¹¹ Jã'ajekuna Dios repanare Repau chu'o asa chẽañe ãsemu jorechu'ore cuasaa'ju chini. ¹² Jã'aja'ñe pa'ijmu repana cu'ache cho'oneeñe'te jo'kasocuheju Repau chu'o ũcuarepare asacuhesinajeju ũcuauñko vati toana sani cho'osojanaa'me repana, cu'ache cho'osi'e ro'i.

Repauna'me re'oja'che paapmu chini Dios chẽacojñosina pa'iche'te kũamu

¹³ Chukunata'ni musanukona re'oja'che pa'iche'te cuasajuna Dionni si'arumu, "Re'orepamu, Ja'ku", chiiche pa'immu. Dios musanukonare ũcuau Rekochoji cho'okaiuna Jesuni cuasaju jovosina Repau neenajeju ũcuau'na'me ai re'oja'che paapmu chini chẽaasomu, Repau chuta'a chejajẽ'e cho'omarmuna. ¹⁴ Musanukonapi chukuna chu'vachu'ore Jesucristo'te cuasache kũachu'ore asa chẽa Repau'ni cuasaju jovo Maire Paaku Jesucristo pa'ichejare ai sani pa'ijmu ũcuau pa'icheja'che re'oja'che paapmu chini chẽaasomu.

¹⁵ Jã'ajekuna, chukuna majapãijana, musanukona Jesure cuasache ũhasoma'ñe cuasaju chukuna sani chu'vasi'ena'me utija'opi tocha saojmu che'chosi'e cavesuma'ñe cuasaju pa'ijũmu. ¹⁶ Repau Maire Paaku Jesucristo mai Ja'ku Dionna'me oim cuhama'ñe re'oja'che cho'okaimu pa'ikumu, maipi pojojmu pa'ijmu re'ojarekoñõã paaa'ju chini. ũcuachi'a maire Repau pa'icheja sani re'oja'che pa'ijache jo'kasi'kũamu, maipi repare cuasaju pojojmu cha'ajmu paapmu chini. ¹⁷ ũcuauji musanukona rekoñõãna cho'okaaũ re'oja'che cho'o koka paajmu pojojmu i'kajmu re'oja'chechi'a cho'ojmu paapmu chini.

3

Dioni s̄eekaapu chini Pablo i'kasi'ere *kuamu*

¹ *Chukuna* majapāijana, Diore s̄eekaijũ'ũ, *chukuna* *chu'vachu'ore* pāipi ũcuauachejña pa'inapi na'mi asa chēa *musanukona* cho'osi'ejache pojoju Jesuni cuasaju jovoajũ. ² Ũcuachi'a pāi cu'ache cho'onapi *chukunani* cu'ache cho'omanea'ju chiiju s̄eekaijũ'ũ *chukuna*'te. Pāi ũcuarepanuko Diore cuasanachi'ama'me. ³ Jā'ata'ni Maire Paaku ũcuarepa cho'okujeku vati ai *musanukonare* cu'ache cho'oche ũseku cho'okaija'mu re'oja'che cho'o koka paaajũ chini. ⁴ Ija'che cuasaju pa'ime *chukuna*: “Mai repanapi cho'oa'ju chini chũ'ũ jo'kasi'e Maire Paakuji cho'okaiuna *irumu* cho'oju pa'icosome repana. Ũcuachi'a na'a pa'isirumu cuhama'ñe ũcua cho'oju pa'ijacosome”, chiiju cuasame *chukuna* *musanukonare*. ⁵ Maire Paaku Jesucristoji cho'okaa *musanukonare*, Repau pa'icheja'che re'oja'che pa'imasiju cu'ache ti'jñetojē'e koka paaju Repauni cuhasoma'ñe ũcua cuasaju Dios pāi ña oicheja'che s̄aiñechi'a oiju re'oja'che cho'okaiju paapu chini.

Ñamema'ñe cho'oche cho'ojũ pa'iche'te *kuamu*

⁶ Asarepajũ'ũ, *chukuna* majapāijana. Maire Paaku Jesucristoji chũ'ũ *chukuna* *musanukonare* ija'che chũ'ũ jo'kame *chukuna*: Mai majapāijaja'iu ũcuauakuji ñameku cho'oche cho'ocuhekuji *chukuna* che'chosi'e jachaku cho'oma'kure ja'me pa'imanejũ'ũ. ⁷ *Chukuna* *musanukonare* ja'me pa'irumu cho'oju pa'isi'ejache cho'oma'to cu'amu. Jā'a masime *musanukona*. Reparumu ñamema'ñe cho'oche cho'ojũ pa'isinaa'me *chukuna*. *Musanukonare* ũcuaja'che *chukuna* cho'osi'ejache cho'oju pa'iche chiimu. ⁸ Reparumu

chukuna, ãu chekuna nee ro'ima'ñe ãïmanesinaa'me. Jã'aja'ñe cho'oma'ñe musanukonani te'eu'terejẽ'e karache'te cho'ocuheju umucujñana'me ñami cho'oche cho'oju pa'isinaa'me chukuna. ⁹ Jã'ata'ni chukunapi musanukonani, “Kuirajũ'u chukuna'te”, chiiju sēni cu'are cho'omanera'asinaa'me. Ūcua musanukonapi chukuna pa'iche'te ña chēa ūcuaja'che cho'oju paapu chini ñamema'ñe cho'oche'te cho'oju chukuna'te kuiraa'ju chini sēmanesinaa'me. ¹⁰ Reparumupi vaa ija'che chũ'uju pa'inaa'me chukuna: “Pãiu ñameku cho'oche cho'ocuheku ãu ãïmanea'ku”, chiinaa'me chukuna.

¹¹ Musanukona pa'iche ija'che asaju pa'ime chukuna: Musanukona te'ena cho'oche jmamakarujẽ'e cho'oma'ñe rupu pa'iju ku'iju chekuna pa'iche'te ña cutuju pa'ijuasome. ¹² Jã'aja'ñe pa'inare Maire Paaku Jesucristo neenajejuna re'oja'che pa'iju cho'oche'te ñamema'ñe cho'oju repanare karache'te koo paaa'ju chini chũ'unaa'me chukuna.

¹³ Chukuna majapãijana, musanukona re'oja'che cho'oche jmamakarujẽ'e cho'o ca'nasomanejũ'u. ¹⁴ Ija'ova utija'ova chukuna chũ'uju tocha saochete ūcuuanapi ña jachato repana pa'iche'te ña masi ja'me pa'ïmanejũ'u, kukuso re'oja'che paapu. ¹⁵ Jã'ata'ni repanare cuhemanejũ'u. Musanukona majapãijanare pe'keru i'kaju chu'vajũ'u, repanare ūcuamakarũ jã'aja'ñe cho'oa'ju chini.

“*Diopi re'oja'che cho'okaa'u*”, chiiu chu'o saosi'ea'me

¹⁶ Maire Paaku, re'oja'che pa'iche ïsi Ai, Ūcuauji ja'me pa'iu re'oja'che pa'iche si'ache rekoñoõna si'arumu cho'okaiu paau musanukonare.

¹⁷ Chu'u Pablo, inukoru chu'o saochechi'a chu'urepauji tochamu. Utija'o chu'u tocha saoja'o

2 TESALONICENSES 3:18 7 2 TESALONICENSES 3:18

si'aja'orũã ija'chechi'a tochakũ'mũ chu'ũ. Ijamajña
tochakũ'mũ chu'ũ. ¹⁸ Maire Paakũ Jesucristoji
mũsanũkonare ũcuanũkore re'oja'che cho'okaaũ.
Re'omũ.

Pablo

Dios Chu'o Kuaphuro

Koreguaje: Dios Chu'o Kuaphuro New Testament

copyright © 2009 Wycliffe Bible Translators, Inc.

Language: Koreguaje

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 14 Jun 2022 from source files dated 4 Mar 2022

87a345ac-83c6-51ad-8750-17a703f38bcc